

(La séance publique est ouverte à 14.01 heures.)

1. Ouverture de la séance publique

M. Fernand Etgen, Président | Ech maachen d'Sitzung op.

Huet d'Regierung eng Kommunikatioun ze maachen?

Mme Sam Tanson, Ministre | Nee, Här President.

2. Communications

M. Fernand Etgen, Président | Ech hu follgend Kommunikatiounen un d'Chamber ze maachen:

D'Lëscht vun den neie parlamentareschen Ufroen a vun den Äntwerten ass um Büro deponéiert.

D'Lëscht vun de Projeten, déi säit der leschter Sitzung deponéiert gi sinn, ass verdeelt ginn.

D'Lëscht mat de Petitiounen, déi säit der leschter Sitzung deponéiert goufen, ass och verdeelt ginn.

Communications du Président – séance publique du 11 juillet 2023

1) La liste des questions au Gouvernement ainsi que des réponses à des questions est déposée sur le bureau.

Les questions et les réponses sont publiées au compte rendu.

2) Le projet de règlement grand-ducal, le projet de loi et la proposition de modification du Règlement de la Chambre des Députés suivants ont été déposés auprès de l'Administration parlementaire :

8269 – *Projet de règlement grand-ducal relatif à l'utilisation de véhicules loués sans chauffeur dans le transport de marchandises par route et transposant la directive 2006/1/CE relative à l'utilisation de véhicules loués sans chauffeur dans le transport de marchandises par route et la directive (UE) 2022/738 du Parlement européen et du Conseil du 6 avril 2022 modifiant la directive 2006/1/CE relative à l'utilisation de véhicules loués sans chauffeur dans le transport de marchandises par route*

Dépôt : **M. François Bausch**, Ministre de la Mobilité et des Travaux publics, le 05/07/2023

8270 – *Projet de loi relative aux juridictions militaires et portant*

1^{re} *modification de la loi modifiée du 7 mars 1980 sur l'organisation judiciaire*

2^{de} *abrogation de la loi du 31 décembre 1982 concernant la refonte du code de procédure militaire*

Dépôt : **M. François Bausch**, Ministre de la Défense, le 10/07/2023

8271 – *Proposition de modification des annexes 4 et 5 du Règlement de la Chambre des Députés*

Dépôt : **M. Fernand Etgen**, Député, le 10/07/2023

3) Les demandes de pétition suivantes ont été déposées :

2830 – *Demande de pétition ordinaire : Modification du Code de la route afin de fluidifier le trafic dans un rond-point à minimum deux voies de circulation*

Dépôt : **M. Jean-Claude Patricio Leonardo**, le 03/07/2023

2831 – *Demande de pétition publique : Changer le test de dépistage de drogues pour récupérer le permis de conduire*

Dépôt : **M. Gil Spautz**, le 05/07/2023

2832 – *Demande de pétition publique : Ich, Braun Romain, der Unterzeichnete, schreibe diese Petition, um die Einführung des chinesischen TikTok-Modells in Luxemburg zu fordern. Ich bin der Meinung, dass dieses Modell dazu beitragen würde, die Verbreitung von gewalttätigen Videos in den sozialen Medien zu reduzieren und junge Menschen*

dazu zu ermutigen, sich auf den Sinn des Lebens zu konzentrieren und sozial engagiert zu sein

Dépôt : **M. Romain Braun**, le 06/07/2023

2833 – *Demande de pétition publique : Ambulance pour animaux domestiques pour tout le Luxembourg*

Dépôt : **M. Arsène Kreins**, le 06/07/2023

2834 – *Demande de pétition publique : Acte de naissance gratuits*

Dépôt : **M. Jay Karger**, le 06/07/2023

2835 – *Demande de pétition publique : Plaque d'immatriculation personnalisée (esou wéi an der Belsch)*

Dépôt : **M. Serge Besch**, le 10/07/2023

N.B. Les intitulés des pétitions sont susceptibles d'être modifiés tant que la Conférence des Présidents n'a pas statué sur leur recevabilité.

(Tous les documents peuvent être consultés auprès de l'Administration parlementaire.)

3. Ordre du jour

Den Ordre du jour, esou wéi d'Presidentekonferenz e virschléit, ass Iech zougestallt ginn.

Ass d'Chamber mat dësem Ordre du jour averstanen? (Assentiment)

Dann ass et esou decidéiert.

4. Dépôt d'une proposition de loi par M. Fernand Kartheiser

Da géif ech d'Wuert un den honorabelen Här Fernand Kartheiser gi fir den Depot vun enger Proposition de loi. Här Kartheiser, Dir hutt d'Wuert.

Exposé

M. Fernand Kartheiser (ADR), auteur | Villmools merci, Här President. Jo, et geet eigentlech elo an dës Proposition de loi ëm d'Situatioun vum Logement bei eis am Land. Mir wëssen alleguer, datt mer do wierklech an enger ganz, ganz schwiegener Situatioun sinn, an et gëtt dofir natierlech eng Rei vun Interpretatiounsméiglechkeeten, eng Rei vun Ursaachen. An et ass esou, datt mir mengen, datt och e gewëssene Manktum u Flexibilitéit an eise Gesetzter derzou bäidréit, datt besonnesch bei de Mietwunnengen e Problem besteet.

Et ass esou – an do si mir och ganz derfir –, datt de Locataire hei am Land ganz staark protegéiert ass. Dat soll esou sinn, dat ass ganz richtig. Mee op verschidde Punkte muss een awer nodenken, ob mer net och de Propriétaires a gläichzäit dem Locataire och méi Flexibilitéit sollten zougestoen. An dofir wëlte mer mat dëser Proposition de loi eigentlech zwou Innovatiounen an eisem Mietrecht aféieren:

Dat Éischt ass, datt mer wierklech d'Méiglechkeet vun engem Contrat à durée déterminée aféieren. Dat hu mer och elo schonn am Mietrecht, mee a Wierklechkeet ass dat awer trotzdeem eng Durée indéterminée duerch eng Prorogation légale. A mir géifen hei Dispositiounen aféieren, datt wierklech zum Beispill zwee Joer och zwee Joer sinn, mat och Schutzdispositiounen fir de Locataire. D'Ursach dohannert ass awer, datt verschidde Propriétaires e Logement kéinten op de Marché bréngen, datt se awer wëssen, datt se en zum Beispill an zwee oder dräi Joer brauchen, well e Kand vun der Universitéit oder esou zréckkënn an datt se et aus deem Grond dann net während där Zäit a Locatioun ginn, well se déi éiweg laang Prozedure fäerten, fir dann d'Wunneng zréckzekeréien, wa se se wierklech

brauchen. Also, hei wëlte mer en Element vu Flexibilitéit aféieren.

Dat Zweet ass, datt mer am Abléck bei de Motifs de résiliation vun engem Mietkontrakt net vill Méiglechkeeten hunn. Haaptsächlech ass et, wann den Eegebedarf do an d'Spill kënnt, a mir denken, datt dat sollt erweidert ginn, datt och d'Vente vun engem Immeuble misst kënnen e Motif de résiliation sinn. Et ass dacks esou, datt en interesséierten Acheteur e Bien net keeft, well nach Locataires an deem Bien sinn, an dann ass déi Transaktioun net méiglech. An och do géife mer dann hei proposéieren, natierlech och mat enger Rei Schutzdispositiounen fir déi concernéiert Locataires, mee och d'Vente vun engem Immeuble als Motif de résiliation an eist Mietrecht opzehuelen.

Dat si Flexibiliséierungsmoossnamen, vun deene mer eis kéinte vill erwaarden, ouni awer gläichzäitig de Schutz vum Locataire wëllen erofsetzen. Dat ass eigentlech de But heivunner. An an deem Sënn, Här President, wëlt ech Iech dës Proposition de loi iwwerreechen.

8272 – *Proposition de loi du 11 juillet 2023 modifiant certaines dispositions du Code civil ainsi que la loi modifiée du 21 septembre 2006 sur le bail à usage d'habitation*

M. Fred Keup (ADR) | Très bien!

M. Fernand Etgen, Président | Merci villmools, Här Kartheiser.

5. Heure d'actualité de la sensibilité politique déi Lénk au sujet des placements d'enfants

D'Chamber féiert haut de Mëtten eng Aktualitéitsstonn iwwert de Placement vu Kanner, déi vun der politescher Sensibilitéit déi Lénk ugefrot ginn ass. An d'Wuert huet elo déi honorabel Madamm Nathalie Oberweis als Vertrieederin vun der politescher Sensibilitéit déi Lénk. Madamm Oberweis, Dir hutt d'Wuert.

Exposé

Mme Nathalie Oberweis (déi Lénk) | Merci, Här President. E Placement vun engem Kand ass näischt Schéines an ech mengen net, dass et iergendengem Freed mécht. Ech wëll deemno mat dëser Debatt kengem eppes ënnerstellen, an et soll och elo net iergendeen heibanne mer komme mat „Generalverdacht“ oder esou eppes – dat hate mer och schonn a vieregten Debatten – a wannechgelift och net mat „Iwwerpräift Är Sourcen!“ oder „Et soll een de Leit net alles gleewen“, well och dat hate mer schonn hei! Also, och an dës Debatt baséieren ech mech op Temoignagen a genee wéi all déi aner Kéieren op Temoignagen, déi ech gekräizt hunn, déi ech verglach hunn, déi sech och mat Temoignagé vu Concernéierten an institutionaliséierten Acteuren vum Terrain iwwerschniden. Esou vill zu menge Sourcen.

Zu den Donnéeën: Ob mer elo zu Lëtzebuerg méi placéieren oder net, dat ass esou eng Saach. Et gëtt effektivt ëmmer erëm gesot, mee et gëtt keng ganz zuverlässeg an objektiv Zuelen dozou. Mir hunn Zuele vum ONE, déi awer och méiglecherweis net ganz komplett sinn. Déi lescht Zuele vum Abrëll 2023 nennen 1.426 Kanner a jonk Erwuessener, déi an Institutiounen an a Fleegefamillje placéiert sinn. Duerfir wier eng éischt Fro un d'Regierung, ob mer kënnen an Zukunft komplett an objektiv Zuele schafen, wou een de ganze Phenomeen, also déi judiciaire an déi net judiciaire Placementer objektiv kann an d'Ae faassen.

Zu den Ursaachen vun de Placementer: D'Fro, ob all Placement justifiéiert ass, déi kann een hei net léisen,